

HMAR CHRISTIAN FELLOWSHIP DELHI



2025 YEAR THEME: "THAW RO, INDIN THAR NAWK EI TIU" (NEHEMIAH 2:18)

SUNDAY SCHOOL LESSON 11 (Nehemiah 11:1-36)

Thuram [14th September, 2025 @ 4:00 – 6:00 PM]
Apostles Methodist Church, R.K. Puram, Sector – 4, New Delhi - 110022

Inkhawm Thuoitu	:	Pastor Lalditsak Inbuon
Praise & Worship	:	Worship Team
Tantu	:	Dr. Janet L. Thiek
Announcement	:	Secretary, HCFD
Sunde Sikul Thuoitu	:	Pastor Lalditsak Inbuon
Thhilpek Puonglangna	:	Fin Secretary (General)
Pastoral Prayer/Benediction :		Pastor Lalditsak Inbuon

HMAR CHRISTIAN FELLOWSHIP DELHI



2025 YEAR THEME: "THAW RO, INDIN THAR NAWK EI TIU" (NEHEMIAH 2:18)

THALAI SUNDAY

Thuram [21st September, 2025 @ 4:00 – 6:00 PM]
Apostles Methodist Church, R.K. Puram, Sector – 4, New Delhi - 110022


Thuoitu	:	Tv. David Khawbung
Praise & Worship	:	Worship Team
Tantu	:	Nk. Emelyn Lawitlangmawi
Announcement	:	Secretary, HCFD
Special Number	:	(i) Nk. Mercy Faiheng (ii) Pi Lawmnakim Hrangchal
Thuhritu	:	Pu Lalthuoiang Joute
Thawlawm Puonglangna	:	Fin Secretary (General)
Pastoral Prayer/ Benediction :		Pastor Lalthlanglien Sungte



An Organ of the Hmar Christian Fellowship Delhi

HREPUITU

HREPUITU | VOLUME: XX | ISSUE: 1 (SEPTEMBER, 2025)



Please visit HCFD official website:
<https://hcfcd.in/>

HREPUITU

Hmar Christian Fellowship Delhi
Chanchinbu Thlakip Suok
(Regd.No.: S/ND/599/2015)
Vol. XX/No.1 (Sept. 2025)

Managing Editor:

Pu Rohminglien Songate

Joint Editors

**Pastor Steven Lalzarzolien
Infimate**

Pastor Lalsiesang

Pastor Lalditsak

Printing/Circulation:

Pu Lalthuoisang Joute

Address:

Managing Editor, Hrepuitu,
Prayer Cum Counselling
Center, Basement, H. No.
57, Munirka, Delhi- 110067
email: hrepuitu@yahoo.com

Hrepuitu a article insuo hai,
ngaidân suklanga um (hai)
hi HCF Delhi ngaidan a(n) ni
chuong kher nawh. Ziektu tin
mawphurna a ni lem. Pathien
thu le article insuo nuomhai
chun iengtiklai khawma edito-
rhai email ah thu ziek hai chu
pek thei zing a nih.

- Editor

A SUNGA THU UMHAI

03 EDITORIAL

**04 HUNG RO, EI RAM
INDINTHAR NAWK EI
TIU – LUNGRILA IN-
VOINA NEI**

**06 EI KE BAL ISU IN
SAWPTIR EI TIU**

**10 HCFD TROBUL
TAWITE'N**

**12 HMAR CHRISTIAN
FELLOWSHIP DELHI
MISSION INTRAN DAN
LE VOISUN
CHENA NGIRHMUN**

**15 INDIA LE SAKHUO
ZALENNA**

16 THALAI HUONG

THALAI WORSHIP SERVICE PROGRAM

Tarik: 14th Sept., 2025 (Sunday)

A hun: 7:00pm

A Hmun: HCFD Prayer cum Counselling Center, Munirka

Thuoitu : Tv. John Moody

Praise & Worship: Worship Team.

Tantu: Nk. Ruthy Buongnunthieng

Special No: 1.Nk. Mercy Darngawn

2. Nk. Janet Darlienzo

Thuhriltu: Pu Nehemiah Ruolngul

Note: Thalai hminga thla khata vawikhat inkhawm program ei siema hin t
halai thangseng dingin ei hung infiel a nih. Hi huna hin thilpek lakkhawmna
um bawk a tih.

NUHMEI INKHAWM PROGRAM

Tarik: 13th September 2025

A hun: Sun 12:00

A hmun: HCFD Prayer cum Counselling Center, Munirka

Thuiotu: RK Puram & Moti Bagh Nuhmei Pawl

Conduct: Pi Lalnunsiem Khawbung

Trantu: Pi Jeremy Joute

Sharing: Pi Florence Pangamte

Special Number: RK Puram Nuhmei Pawl

August thla sunga Nuhmei Pawl rongbawlina

August Thla Sunga Nuhmeipawl Rongbawlina: Second Saturday in inkhawm-
na nei ani a. Hi baka hin DHWA in a hung ngen angin Pu Zosangpui a enkoltu
a nu Pi Lalnunchawi a damsamnaw leiin Nuhmei Pawl chun lawmman pe a mi
ruoiin en kol an nih. Pi Lalchawitling khom doctor panpuiin CT Scan hai lak
pui anih. Chu bakah veng tienga anin lawi tung nading kalman dingin Nuhmei
Pawl chun cheng 25000 a pek bok.

- Vengbuk target hi vasant kunj hai chun an 22.08.2025 khan an submit tah. Inpak an um takzet a nih.
9. 16th thalai Inkhawmpui inruolsiekna lawmman chu hieng ang hin ni'ng a tih:

Hlapawlpui(Group A)

- 1st prize Rs. 10000 + Trophy + Certificate
- 2nd prize Rs. 7000 + Certificate
- 3rd prize Rs. 5000 + Certificate

Hlapawlpui(Group B)

- 1st prize Rs. 10000 + Trophy + Certificate
- 2nd prize Rs. 7000 + Certificate
- 3rd prize Rs. 5000 + Certificate

Consolation prize Rs. 2500 + Certificate

Lengkhawm Hla(Group C)

- 1st prize Rs. 7000 + Trophy + Certificate
- 2nd prize Rs. 5000 + Certificate

THALAI AREA VISIT

July 25, 2025 a inthawk khan thalai area visit tan a nia. Vengbuk po po physica-
cala kan suok vawng tum ania, nisienlakhawm, vengbuk pakhat Gurrugram le
north Delhi chu remchang nawna a um leiin kan an ni nawh. Hi visit progam hi
Aug, 2025 zan khan zo anih. Pathien zarin vengbuk le thalai thuoitu hai inha-
wi an ti tlang hle.

THALAI FUND DRIVE

July, 19, 2025 khan thalai hai conference fund ding tiin fund drive nei anih. Pu
Gordon Amo hai inn House No. 1233, Ground Floor, Sector 5, R.K. Puram ah
Bawngsa, Bawng sung le vawksa chartang le hmepawk suong a nih. A hmun
phal taka min hmangtirtu Pu Gordon hai family chung a ei lawm takzet. Lalpan
a let tamin malsawm raw seh. Chun kha nia thalai ha sa suong mi hlutsaka lo
inchawtu hai po po chung a lawmthu ei hril nghal a nih.

Editorial

A hmasatakin Hrepuitu magazine lo hlutsaka, lo la tuhai popo ei
Lalpa Isu Krista hmingin chibai. Hun iemani chena inthok khan ei mag-
azine hi suk suok thei loin a uma, a poi ei ti takzeta, magazine board
chun in hrietthiemna a ngen mawl mawl a nih.

Ei magazine hi kum khat sunga subscription fee mi pakhata
cheng 200/- pei a ni a. Nikuma subscription fee ei lak hnung khan vawi
thum lai cho ei suksuok hman a ni leiin tuta inthoka thla 9 sung chu a
pe ta hai ta dingin a fee lak ni ta naw nih. A thara subscribe nuom ei lo
um a ni chun magazine board hai pakhat tak kuomah kum khat sunga
ding subzcribe thei zing ning a tih.

Harsatna lien tham a um naw chun tuta inthokin thla tina suok
thei ta dinga beisei a nih. Inchat loa thlatina ei suk suok zing theina
ding chun ei thangtlang a pawimaw takzeta, chu ding chun sermon,
testimony, article (Pathien thu) chanchin thar, department tienga report
dam, le vengbuk hmalakna hai chenin insuo thei zing a ni a, chu ding
chun mimal, department tin le a vengbuk ang zawng khawmin thahnem
hung ngai dingin ei hang infiel takzet a nih. Chun, kohran member a
nuom taphot Pathien thu (bible chang) dit ngawi ngawi, hriet chieng
zuol nuom nei dam ei um chun iengtik lak khawm thlang thei a ni a.
Chuong bible chang hai chu ei thruoituhai le pastorhaiin thei ang angin
a thla nawk leh hi magazine fethleng hin ei hung hrilfie pei tum ding a
nih.

Chun, ei magazine hih a that lem dan ding dam, a tiemtu hi neka
ei tam lem dan ding dam, le ei hlawkpui deu deu thei dan dinghai dam
thurawn pe nuomhai chun pek thei zing a ni bawk a nih.

Ei magzaine hih ei website ah a nuom taphot tiem thei dinga sie
thrat pei hlak a nih. A visit nuomhai chun www.hcfd.in a hin luta, maga-
zine section ah tiem thei zing a nih.

Kohran mipuihai popo hi magazine fe thlenga Pathien thlarau
malsawmna tamtak dawng seng dingin ditsakna insang tak magazine
board chun an hlan. Lalpan malsawm rawsen cheu.

HUNG RO, EI RAM INDINTHAR NAWK EI TIU – LUNGRILA INVOINA NEI ~Upa (Dr.) Lalsiemlien Pulamte



Nehemia hin Jerusalem siet chungchang thu hi a lo hri-et nel nuol tah ring a um a. Hriet chieng nawk zuol a nuom ning a ta, Juda rama inthoka hung kîrhai kuomah Jerusalem chanchin le Babulona saltâng, Juda unau kîr nawk hai chanchin an don a. An ngirhmun sietzie thu, Jerusalem kul a chim le a kotkharhai a kâng siet vong thu a hrietin Nehemia chu a hung a, a ap a, ni iemani zât bu ngheia sînin, van Pathien hmaah a tọngtai a. A tọngtainaa chun, “I mi Israel hai ta dinga sîn le zâna i kuoma i siehlaw ka hung tọngtai hi mi zuk thlir la” tiin Pathien a hnih a. Chun, Jerusalem chanchin a lo indon hun (Kislov thla) le lal dawn ding uoiin lal a va pêk hun (Nisan thla) inkâr hi thla li a tla a. Chuleiin, Nehemia-in bu ngheia a tọngtai hun sâng ding chu thla li vel ni thei dingin a um. Lungrila invoina hin teireipeina a siem nawk thung a. 1904 kuma Wales rama thlaraua hartharna ropui tak hung tlung khom kha Evan Roberts-in kum 13 sâng veng veng a tọngtaina ra a nih. Chu zâr pei chun eini rawiin 1910 khan Senvon-ah Chanchin tha ei lo dong phà a nih. Voisuna ram le hnam ei invoina hin nisa tlâk a nghak zo da’l di’m maw?

Hieng anga Nehemia-in a’n voi lei khan a sinthawa khom khan a. Lungngai a aw naw ti hmu theiin a um a. Lungngai hmel a put a, Lal chun, “Damnawna nei si loin i hmel a va hang ngui ngêi de! lungzîngna i nei a ni hih” tiin Nehemia kuomah a hril hiel a. Lungrila a thil pai chun a hmel a sukdanglam thei a nih. Ram le hnam ei invoina hin ei hmel put a sukdanglam phâk am le?

Lal Artezerzia leh an inbiek peinaa chun Nehemia-in Juda rama fe phal pêk ding le khuo chu hang indin thar nawk dingin lal kuomah hnina a siem a nih. Jerusalem siet chu lungrilin

a’n voi hle chu a nih, a sin thawna, lal in inhoi êm êm chu suoksan a’n huom a. Mani comfort zone-ah um zing a tum naw a, a poimaw chun suoksan a’n huom a nih. Chubâkah, kul hang bawl that chu ama, lal ina uoiin semtu chun rem hrietna (planning skill) le sinthaw dan (mistri sin) khom hre bok naw nih. Sienkhom, a tul tah leiin chuonghai khom chu a’n huom vong a nih. A lungrilin a tur nasa hle leiin, “Hieng ang sin hi chu ka thaw ding ni lo a” a ti dêr nawh. Eini lai ni sien chuh, “I kuong lo i hung nor a nih” tiin thenkhatin lo baukhat rawi naw ni hai am. Lalpa’n a rong bawl dinga

HREPUITU

3. Tenor
 4. Bass
 5. Harmony
- Hla inchuktirtu ding chu mani Vengbuk sengin mawphur an tih.

ii). Group C.

Lengkhawm hla:

1. Ka Sandamtu ka Lal Krista(Independent)
2. Ava kiem sawt(Independent)
3. Gethsemani huonah(Independent)
4. Piengna ram(Palai hla bu)
5. Tho nawkna ram thuruk(Kristien Hla thar bu)

Criteria:

1. Vocal Quality
(Thu lamrik dan voice clarity)
 2. Beat & Harmony
(Khuong beat dan le hlasak harmony)
 3. Overall Performance
(Discipline, hlasak dan le changzie)
- Hla inzawttu ti lo chun mi dangin hla ziek enphal ni naw nih
 - Lengkhawm hla hi a hmuna pawt ni’ng a ta, pawt fuok tak pakhat sak ni’ng a tih

8. Vengbuk Group le Target bituk zat.

Sl. No.	Group	Vengbuk Hming	Group Hming	Target
1	A	Munirka	Solomon	Rs. 20000
2	A	Meshangarh	Samson	Rs. 20000
3	A	West Delhi	Abraham	Rs. 20000
4	B	Rest of Delhi	Joshua	Rs. 20000
5	B	Safdarjung-South Ext.	Nebukadnezzar	Rs. 15000
6	B	Vasant Kunj	Esther	Rs. 15000
7	B	Dwarka	Daniel	Rs. 15000
8	B	R K Puram-MotiBagh	Elijah	Rs. 15000
9	C	Gurgaon	Peter	Rs. 8000
10	C	Mahipalpur	Nikodem	Rs. 8000

HREPUITU

pakhat police in an man.

Sakhuo zalenna hih a tak ngêia kengkaw le vawngnim a ni tlat theina dingin tawngtaina a pawimaw. Chanchin tha leia thubuoi siemkhuma um le jail rûnthim nghâ ringtu, pastor le misawnarihai po po ta dinga tawngtai pêk chuh mitinin ei thaw thei seng. Efesi 6:19-20 “Thu ka hril chângâ Chanchin t ha thu ril huoi taka puong ding thu ka dong theina dingin kei mi hnipêk baw ro. Chanchin tha palai, lung ina intâng ka na, ka hril dan ding ang taka huoi taka ka hril theina dingin mi hnipêk ro.”

THALAI HUONG

THALAI INKHAWMPUI

Pathien zara khuo eng ei hmu thei chun hung tung ding tarik 31/10/2025 khin Hmar Christian Fellowship Delhi, Department of Music and Youth Affairs thalai Inkhawmpui vawi 16na chu Samaj Sadan, Sector 4, R K Puram hmuna nei dingin DoMYA Thalai Committee'n rel le ruongam siem a nih. Thalai Inkhawmpui 16na le inzawma hriet ding pawimawhai chu a hnuoia ang hi ni'ng a tih

1. Inruolsiekna hi hla chau ni'ng a tih
2. Vengbuk Group A B & C a the a nih
3. Vengbuk Group A & B ami haiin hlapawl pakhatin inruolsiekna nei an tih
4. Vengbuk Group C hai ruok chun Lengkhawm hlain inruolsiekna nei an tih
5. Vengbuk Group A hai chu a thlawm taka mi 20 an ni ding a nih, chuong ang bawkin Group B mi 15, Group C mi 10 an ni ngei ding a nih
6. Vengbuk group hming dingin 2024 a hlui ami kha la hmang ni'ng a tih
7. Inruolsiekna ding le Criteria:

i). Group A & B

Hlapawlpui: Har ro! Har ro!

Kristien Hla Bu No. 148(Centenary Edition)

Criteria:

Master Key

Parts: 1. Soprano

2. Contralto

mawphurna a mi peka ei hriet hi chu lungrila invoi tak tak a, phur suok el lem hi a lo va tha awm de eh. Chun, a mi tirtu Pathien chun a phursuokna dingin a mi'n thuom pei bok ding a nih ti ring ngam a poimaw bok a nih.

Nehemia hin Pathienah an ram le hnam damna a um ti a hriet tlat a. Chun, Pathien leh Jerusalem inlaic-hinna thuruk a hrietsa bok a nih. Jerusalem tempul tungdingna le a kulhai bawl that khan Pathien chu anni laia chêng nawkin a ram le hnamin damna ding le tungding nawk theina thuruk a

um a ni ti a hriet kar leiin Jerusalem kul chimhai bawl that kha lungrilin a'n voi bêk bêk a nih.

Nehemia chanchina inthok hin ei ram le hnam siemthatna ding hin lungrila invoi tak tak hai chauin hlawtlingna lampui an hraw ti a mi sukchieng pek a. Chuleiin, 'ram le hnam indintha ei tiu' tituhai lungrila hin chona mi pe thar pek sien la, chun, "Ieng chen am in huom a?" ti zawna don thei bok inla nuom a um takzet a nih.

INHRIETTIRNA LE NGENNA

Sawmapakhat le Missionary Fund hi a thei hram chun Off-line or Biekin ah CASH a pe dingin ei in ngen/hriettir a. Sienkhawm, rem-chang naw leia Off-line/Cash a ei pek thei naw ding ani chun hi a hnuoia Hmar Christian Fellowship, Delhi account detail a hin online a pek thei zing a nih:

Account Number : 91462010038313

IFSC Code : CNRB0000157

Bank Address : Canara Bank, Delhi Diplomatic Enclave Branch, Delhi-110021.

Sawmapakhat/Missionary Fund hi Finance Secretary (Mission), Pu Thanglalmuon Hrangchal kuoma lut/pek ding a na, online a pekna Screenshot ama mobile No.9811214416 a hin thawn sa ngei ding a nih.

Chun, Good Samaritan Fund pe nuom hai chun Finance Secretary (General), Pu Immanuel Khawbung kuoma pek ding a nih.

EI KE BAL ISU IN SAWPTIR EI TIU

~Zilla Khawbung

Johan 13:8-10 8 Peter chun, “Nang meu chun ka ke sawp lul lo e” a ta. Isun, “Ka sawppêk naw che chun keima le nanging ieng khom intrawm thei naw mei nih” a ta. 9 Simon Peter chun, “Chuong an leh, ka ke chauh sawp loin ka kut le ka lu khom tie!” a ta. 10 Isun a kuomah, “Insil ta hnung chu ke naw chu sawp a ngai nawh, a fai vong annawm; nangni in fai, in rêng ruok chun ni loin” a ta.

December 31st, 2024 kum hlui inthla program kha Fellowship tieng hman lov in ei mission field Shiv Vihar tieng kan hmanga. An ni chu kum thar lawm an hman ve ngai naw lei in kum hlui inthla program hi ursun tak in ruoi leh an hman hlaka. Ruoi hi an thre hmasa phawta chu zoah program an hman tran cho hlaka. A programa hin item dang dang hai hieng lam, hlasak, thuhri lna hun hai an nei hlaka. Chuong popo chu 11:30pm hin an suk tawp a, 11:30pm charin a Kohran pumpui trongtrai ruolna kan neia. Chutaka chun mani in hlan tharna dam, suol thupha chawina dam kan neia. Keikhawm ka lo trongtrai vea, 2024 a Pathien laka suol ka thaw popo hai thupha chawin ngaidam kan hnia, 2025 kum hung thar ding a hin Pathien hman tlak le hman thei ni ngei ding in kan hlan thar bawka.

Ka trongtrai lai chun “twelve grapes tradition” hih ka lungri lah a hung in langa. Hi tradition an hman dan tlangpui chu thralai hai in 31st December zan dar 12am an ri charin table hnuoia grapes 12 chu second 12 sung in fain wish an siem hlaka. Chun, grapes pakhat hin thla khat an entir bawka. Thla tina ding kha wish siemin, kum khat sunga “good luck” an nei theina ding in hi Spanish hai tradition hi thralai tamtak in an thaw hlaka. India ramah khom an lar em em a, Grocery App hai in grapes khom a lêt sari zet in ni dang nekin an zawrrawn lem ti in an hril a nih.

Mi’n taksa a hlawtlingna le hausakna an nei thei na ding in hieng popo hi an thaw hlaka, keikhawm tukum chuh thlarauah malsawmna dam, hlawtlingna dam ka dawng ve thei na ding in ka tradition hriet (a po po, a tak taka Pathien zui) hi ka thaw ve theina Pathien kuomah a thlarau malsawmna hang ngen veng ka tih, ka ta. Chuonglai chun, mak tak hin ka lung a ngai, ka thla a phanga, 2025 kum hung thar ding hi ka hawphur em em lema. Asan chu, hi kum hin ieng am an her suok ding, ieng harsatna am, ieng ang thlemna in am ami lo hmuok ding ti ka hriet nawa. Kum 2024 a ka tuok



bawl na hnuoia mi) an supporta, Kohran pu in Nepala Missionary pakhat an support bok. Shivvihar kohran ringthar thralai laia inthok tlangval Tv. Vijay Singh tu kum 2025 in Bible a graduate, tuhin Sikhohabad U.P a rawngbawlin a um, Pathien zara dam le kum thara khom Bible inchuk ding in Jacob Arya hai nupa tir ei beisei a nih.

INDIA LE SAKHUO ZALENNA

Muslim ram Afghanistan, Iran le Pakistan hai hih Islamic Republic of Afghanistan, Islamic Republic of Iran le Islamic Republic of Pakistan tia ko an nih. An Dânpu i (Constitution) haiah Islam sakhuo official religion a si in, Islam sakhuo state religion in an an nei tâwl.

India-in state/official religion a nei ve nawh. Republic of India tia ko a nih. 1976-a India Dânpu i siemthat vawi 42-na a khan “Secular” ti thumal hlulûtin a um. India ram chu secular state a nih a, a ram khuo-le-tui taphawtin ei nuom sakhuona zui theina piengvo (rights) ei nei. Chu chuh India Dânpu i Article 25-28 ah ziekin a um.

Sakhuona thil le inzawma tharum insuona, inrîkrâpna le thawluina a tlung inzing êm êm a, a hluor pei ni in an lang bawk. India Dânpu i-a inthawka Secular thumal pei dinga rawtna le hrilmawina riva hriet ding a um zeu zeu zing bawk.

July, 2025 khan Catholic sister pahni (Preeti Mary le Vandana Francis) sakhuo inle tna thila inhnammaw i tia intumin Chhattisgarh-ah police-in an man. Kristienhai le sawrkâra eptu pâwlhai in sisterhai chung a policehai chêt-dân hih an ditnaw thu nasa tak in an suklang.

Uttar Pradesh: Hmun tum tumah kristienhai sukdûdân an um: June 30, 2025 khan police in camp-ah Pastor Rajesh an thuoi. July 27, 2025 khan Vishwa Vani Church member mi paruk police in an man. Ringtu thenkhat chu an inkhâwmlai chawkbuo i in an um a, thenkhat in vuok an tuok a, thenkhat chu lungina khum in an um.

Chhattisgarh: In (house) a inkhâwm khuokhirna zuol pei lei in Raipur (Chhattisgarh) a house church 200 zet in buo ina an tuok pha mêk ti in International Christian Concern (persecution.org) chun an târlang. Dân-le-thupêk t halema kengkaw a ni theina ding ti suonlamin sawrkâra in-register biekin a chau inkhâwm ding le mimal in (home) a inkhawm tah lo ding in kristienhai chu police-in an hril. Hieng thil le inzawm hin August 24, 2025 khan pastor

bok, chuong ang naupanghai chu ei ni laia mi thrahnemngaihaiin sponsorin an tuition fee an hung tum pek tawla ei lawm hle, Tu kum a naupang hung sponsortuhai chu: Upa Thangremlal Singson (Kangpokpi), Pi Niangboi Pudaite, Pi, Juliet Khawbung, Pi, Ke-ziah Khawbung, Pi, Esther Mawite. Pi Lalromawi Songate, Pu, Cliff Hekte le Hmar United FC hai an ih. Hieng naupang an sponsor hai hi Ringtu nau kher an ni naw a, Ringnawtu naupang school kai thei lo ding, an tuition fee ding thla tin Rs, 550 an hung peka ei school a an hung kai hin taksa thiem-na chau niloin an thlarau chen ei sandamna lampui ei thruoina an leiin naupang sponsor hi a hlawk hle a nih. Mi tu khom inhnika neihai chun zirtutuhai inhrietir thei zing a nih.

Pathien zarin rawngbawl na khom hma a hung sawn peia, Baptisma hmasatak chu February ni 14, 1993 in ECI church Janakpuri a mi pahni Baptist an nih. A tir chun Pathi-enni (Sunday) inkhomna le naupang lekha inchuktirna ding in hluo a na, hun tawite sungin Pathien zarin, Rev. Kooh Hea Singh (Korea Pastor) hmangin Biek-in le school ding inc-hawk a na, lawm a um hle. Hi hmuna hin inkhomna ding le naupang zirtir-na ding building bawl a na, May ni 7, 1994 in Rev. Lemnghakin Pathien kuoma lawmthu hrilin Pathien kuoma an hlan. Hi building a hin voisun chen hi Biekin, Day School le Sunday

school ei neia, Pathien zarin chanchin-thra hrila rawngbawl na khom nasa-takin mal a mi sawma tu kum 2025 chen hin HCFD ramthim rawngbawl-naa inthoka ringtu baptisma chang hi chieng tak a hriet thei vong an nawa, record ei hmu thei poa inthok mi 1500 an chuong, Hmar Christian Fellowship Delhi hin chanchin thra lo hril naw ni inla, ringthar mi 1500 chuonghai thlarau hi iem chang an ta ti hi member po poin ei ngaituo thar ei nuom. Pathien zarin chauin Delhi hmuna hin Hmun thuma Hindi trawn-ga inkhawmna hmun thuma ei nei taa, chuonghai chu: Harivihar (near Dwarka mor), Mahipalpur le Shiv-vihar tuta ei mission centre hi a nih, Delhia ei mission centre tak Shivvi-har a hin ringthar kohran member hi mi zathum sawmnga in register an ni a, Hi kohran hi Hrepuitu kohran tia ko a nih, Hrepuitu kohran ti a ni ang hrimin memberhai hin an sinthawna le an in le vela hai Krista chanchin-thra hrepuitu sin hi nasatakin an thaw tawla, Pathien zarin kar tin hin mi thar hi hmu ding an um deu zing, Kohran memberhaiin an sin thawna hmuna hrepui sin an thawa inthok chanchin thra hre nuomhai bawzui hi rawng-bawltuhai sin tak a nih. Chun kohran hi Local committee, Thralai pawl, Nuhmei pawl le Naupang pawla thra taka inkeihruoi a ni bok. Tu hin Nuhmei pawlin Neelma (U.P) a Local Evangelist Mrs Reshma (ei rawng-

HREPUITU

neka nasa lem le lien lem am ka tuok ding ka hriet si nawh. Chuleiin, Pathien ami hmangaitu le ka ta dinga a nei po po khom pe phaltu hi a dit naw zawng thawin disappoint nawk ka ta, fail nawk ngei ka ta ti hi kan lau em em anih.

Thrat ka nuom em em vei leh, thra thei tlawt lo ka nia. Keimaah mi dang hmangaina dam, lunginsietna dam um zingin, mihai hnamna dam, hrielsiet nuomna dam a hung pieng nawk hlaka. Keimaah mi dang ditsak-na le pek nuomna lungril um zing si hin keiin nei rawn tak lang, hau tak lang ti lungril hi a pieng nawk hla-ka. Thil thra naw mi dang amanik naupanghai amanik kan chuok tir/ka hril hai kha kei vek hin ka thaw nawk hlaka. Hihi chu ka sim ta ie tia ka lo hril hlak hai kha thaw nawk chang ka nei hlak. Pakhat ka sim leh a dang sim ding ka neia, chu chu ka sim le a dang sim ding a hung um nawk hlak. Tirko Paula'n "Thilthra ka thaw nuomhai chu thaw loin ka thaw nuom naw thil suol chu ka thaw lem hlak si. Ka lungril sungril tak chu Pathien dan a lawm a, amiruokchu ka lungril thra tizawng dan dotu chu a um ti ka hmu" tiin a lo hrila. Thra ka ti naw zawng , ka thaw nuom lo thilhai thaw in kum 2025 hi hmang zo pal el ka ta, in sir na'n hung hmang zo pal el ka ti ti kan laua. Kam hang peta thrang hang lak rakna chi hlak ni lo. In ka tlung hnung chen khomin chu thil chun ka lungril

HREPUITU

a la hlu sipa.

Ni iemani zat hnung chun, Pathien thu ka lo hriet ta hlak le tiem ta hlak Johan 13 na hi Lalpa'n ami suk hring peka. Isu le a zirtirhai kha zan bu an kil a , an fak lai chun Isu chu a thoa, a korfuol a hlpa, inhrunka puon a laka a kawnga a vet a. Maihuonah tui a sung zo chun a zirtirhai ke a chu a dawt dawtin, a hmatiem in a hang sawppek a. Peter kuom a hung tlung chun Isu'n a ke a sawppek ding chu a nuom nawa, awm khawm a ti nawh ni ngei a ta "Nang meu chun ka ke sawp lul lo e" a ta. Isu'n Peter kuomah "Ka sawppek naw che chun keima le nanging ieng khom intrawm thei naw mei nih" a ta. Chu phing le Peter chun Isu le ieng khawm intrawm thei naw chu a nuom nawh ni ngei a tih, duam deu in "Ka ke chauh sawp loin ka kut le ka lu khom tie" a ta. Isu'n "Insil ta hnung chu ke naw chu sawp a ngai nawh, a fai vawng an nawm" a ta. Isu Krista thisen a insil ta hai chu voikha-ta ding in ei fai vawng ta a. Chu chu ei dam sung, chatuon dei anih. Chuleiin, insil nawk ei ngai ta nawh. Amiruokchu, hi khawvel ei la chengna hmun hi bal tak, bal tam taka la sip a nia. Ei hringnun ei khal mek/hmang mek na a hin khawvela bal- ek amanik, chirhak dam, pilvut dam ei kea hin a la kai nawk hlak a nih. Isu Krista kha ei aiin Krawsah a hung thia, suol a ngam ta a, ama ringtu le pawmtu hai chu a chengna/a in thienghlim taka

07

amin cheng ve tir ta a nih. Ei Pathien hi VAR ana, var nauhai ei ni leiin var ei nih. Mathai 5:14 a “Khawvel var in nih” ami ti bawka. Anachu var ni zingin ringtuhai hih thim thil hai ei lo va thaw nawk hlaka, ei pa in/a cheng-na a inthawka suokin ei kea bal ei lo va suk kai nawk thei bawka. Chuongchu a lo ni khawma, thim thilhai ei lo va thaw lei khan thimah ei um ti na ani nawa ei var hi a dim/a battery a down tina lem ania chu lei chun charging a ngai anih. Ei pa ina inthawka suokin ei ke a lo va bal nawk ani khoma ei puma in sil a ngai nawk ta nawa ei ke bal hi sawp a ngai lem chau anih. A san chu ei Pathien hi a thienghlim a thienghlimna a sip ani leiin bal leh an cheng hmun khat thei nawa, a theida bawka anih. Chu leiin, ei kea bal chite te khom ni sien ei Pathien dit naw zawng/ a theida zawng a ni tie thlarauin a mi’n hriet tira, a lakah a mi’n thiem naw tira, ami suk daw hlak anih.

Chuonglai zing chun hi lungril suol tak le hrat tak hin ami lo in thiem zung zunga, mihai thrat naw na dam, ei neka suol ti lemna dam, mi hai neka thra le fel in tina dam hi ei hung neia, ei kea bal kai hai hi a mi’n ngaitha tira...Peter in Isu’n a ke sawp dinga an ro trut anga lo in ro ve trut chu thil awl tak ani nawk ve thung. Amiruokchu, mani le mani in thiem fawma fai thei ei ni nawa, Isu’n a thisenin a mi’n sil a voikhata dinga ei fai ang khan ei ke bal khom hi ama bawkin ami sawp

fai pek a trul. Isu’n Peter kuomah (“Unless I”) Ken I ke ka sawppek naw che chun nang le keiin iengkhawm in-trawm thei naw mei nih a tia. Isu leh fellowship, intimate relationship nei ding chun ei ke bal hi ama ngeiin a mi sawppek a trul anih. Hi khawvela ei um sung hin ei fail zing zing ding ani ti Isu’n a hriet a, a ditnaw zawng thawin ei fail nawk hlak ding khom a hriet. Hieng popo hi Isu’n a hriet leiin “KE” hi a tlang kher a ni a, a san chu Ke hi ni tina sawp ngai/trul, daily washing mamaw a nih. Isun ami hriet chieng em em. Tu khoma hi chen hih Isu hnung ka lo zui ve ta a tun chu suol ka nei ta der nawa, ka sim fai vawng an ta ti hi Vanram ei tlung hma chu a ti thei ding ei um ka ring nawh. Martin Luther chun “Ringtuhai hi setan in ke faia Vanrama lut a phal nawh” a lo tia. Suol hin nitin ei ke mi suk bal pek tumin a mi’n chan zinga, ei hrat naw lai tak le eiin thlada lai zawngin kawtkhar bulah a ngir zing sie leiin ei ke hi alo bal nawk hlaka. Chuleiin, ei ke bal hi nitin a sawp ngai a nih. Chu chu Isu’n mi sawppek a nuoma, iengtiklai khom an pei zing anih. Chuonglai chun, ei ni tienga thaw hmasak ding ei nia. Ama le iengkim in trawma, dit in ang, thil chel hmun khat nei ding chun Peter in Isu’n a sawppek dingin a ke a daw ang khan ei ke hi daw ve a ngai. I Johan 1:9 a chun “Ei suolhai thupha ei chawi chun, ei suolhai ngaidamin, ei felnaw na popo tleng fai

chu tran a nih. Hmar Christian Fellowship Delhi member hai laia Hindi trawng thiemhai chu trawng inlettua thrangin, personal counseling le bible trek semin rawngbawl na hi sun zawm pei a ni ta a nih, A tir chun hmun ruok-naa Tent house keiin naupang Sunday school nei hlak a nih. Sunday school hi sunzawm pei a na, Tu kum 2025 hin naupang Sunday school a hming ziek po chu mi sawmruk pali (64) an na, Mak ve deu chu hming ziek neka tam an inkhom hlak. Naupang Sunday school a kaihai hi 80 % hi ringnawtu naupang an nih. Naupang Sunday school hi pawl thumin thren a na, Subject bu thra tak siem pek an nih. Tu hin Sunday School hi Pi. Ruth Remthangmawi inrawina hnuoia zirtirtu mi paruk an um bok. Zirtirtu hai trawngtrainaa ei lo hriet theina dingin: Pi. Esther Amaw, Parminder Kaur, Neetu, Reenuka, Amisha le Summit an nih. Naupang Sunday school a inthoka piengthar Isu Krista Lal le sandamtua pawm an um bok. Pathien ni zatin darker hni sung Pathien inpak le chawimawi a hun hmanpui an ni baka, Pathien thu inchuktir an ni zie. A tira Sunday zata hmun ruok na naa tent keia Naupang ei inchuktir chu hung inthrang lien peiin, In hung hluoin naupang inchuktirin ei sunzawm ta peia, Sunday school chu Day school a sunzawmin chu chu Bethany convent school tia ko a nih, school hi official takin kum 1994 February ni 7

in Pu. L F Tusing Delhi Hmar Christian Fellowship chairman in a hawng. Hi schoola inthok hin naupang taam tak an graduate tah. Tu kum 2025 hi naupang 143 admit an na. Class hi Nursery a inthok Class v chen inchuktir an nih. Pi Grace Khawbung Headmistress na hnuoia tukum 2025 hin Zirtirtu mi pakuo an um bok, Trawngtrainaa ei lo san theina dingin an hming hai chu: Ruth Remthangmawi, Nk. Zila Khawbung, Nk. Neetu, Mrs. Parminder Kaur, Mrs. Reenuka, Pu. VK Pangamte le Pu. Lalngilnei Khawbung (Staff indei naw leiin a thrangpui) chu Helper Mrs. Jaya Devi hai an nih. Naupang hai hi Evangelist haiin tuk tin minute 30 sung Pathien thu systematic taka inchuktir an nih. Kum tin Evangelistic week neipui an ni hlak bok. Ei School hi sum lam suokna dinga ei siem an nawa, Education hmanga Chanchin thra hril hi ei thil tum a ni leiin Tuition fee khom a thlawm thei ang tak Rs, 550 per month chau ei laka, Pathien zar le mi inpe threnkhat zarin voisun chen hin ei la sunzawm thei zing a nih, School naupang hai 95% vel hi ringnawtu an na, an nu le pahai hi thiem zirna hlut zie hre lo an ni tawla, a hminga naupang school inkaitir an ni deu vong, Chnachinthra ei hril theina an phot chun tiin ieng ang naupang khom ei lak pei a nih. Naupang threnkhat chu an nu le pa sinthawna thra nei lo an um

HMAR CHRISTIAN FELLOWSHIP DELHI
MISSION INTRAN DAN LE VOISUN
CHENA NGIRHMUN
~Pastor Lalsiesang Zote



Kum 1988 a Hmar Christian Fellowship Delhi lo suolsutu hai khan, Ringnawtuhai laia Isu chanchin thra hrila, rawngbawlnei hi an lungril le thil tum tak ni naw sienkhom. Kum 1991 a Beiruol chu Thlarau Thienghlimin nasatakin sin a thawa, thralai le nupui papui tamtak thlarau nun siemtharin an uma, chun mi tamtakin Isu Krista chu Lal le sandamtu dingin an pawm baw. Revival nasatak a tlunga, Hi revival danglamna tak chu Hlimna le lawmna khela, Chanchin thra la hre lohainvawina (burden) nasatak memberhai lai a piengsa hi a nih. Kohranin program a siem khom ni chuong loin, thlarau inhmang invawina neituhai chun member sunga personal counseling neiin, chu khela chanchin thra la hre lohainvawina Bible trek semin chanchin thra hril hi tran a nih. 1Kor,9:16-17a Chanchin thra ka hril leia uong ka ni nawh, hril lo thei lo ka nih. Chanchin thra hi hril ta naw lang chu ka chung a va rik awm de aw ! Mani nuom thua hril ni lang chu hlaw khom nei ka tih.

Mani nuom thua hril ka ni si nawh. Chanchin thra enkol sin chu inkoltira ka um lei a nih, a ti angin, Chanchin thra hril chu mitinin manimawphurnaa an ngai a ni deu tak. Ni khat chu Vikasपुरia Pan dukan neitu pakhat hi bible track pek a nia, Bible track a tiem zo chun thra a ti hle ning a tih “Kan colony (Shiv vihar) khom bible track hung sem ro” a tia, chu chu Pathien konaa ngaiin, kum 1992 October thla (a tarik hi inchik a lo ni nawa) in (L) Pu Suothang, (L) Pu Lalringai khawbung le Lalsiesang zote (tuta Shivvihar kohran a pastor sin thawlai zing) hai chu, Pathien thu hril ding le bible tract sem dingin shiv vihar an fe tran ta a nih, Pathien rem-

ruot ruotin hi ni tak hin a khawsung Pradhan a nau birth day an lo lawma, Pradhan inah chun lutin bible track chu sem tran anih, pradhan chun Bible track chu lawm takin a laka, Pu Suothangin a lawm em leiin a nau birth day lawmpui nain cheng 101/- a pek nghe nghe.

Delhi Hmar Christian Fellowship Executive committee thu rel angin, December 27 ni in Shiv vihar a kum 1992 christmass chu sunzawm a nih. Hi ni hin Medical team le mi thrahnem taw tak fe a nia, Pathien thu hriltu dinga ruoi (famtah) Rev P.K Robert in (ECI Pastor) Pathien thu a hril bok. Hi nia inthok hin Shiv vihar colony a regular takin rawngbawlnei

a tih, ama chu ring a umin a fel si a” ti ei hmua. Isu’n ei ke hi nitin a mi sawppek a nuoma, amiruokchu ei ni tienga ei thaw ve ding chu ei ke hi ei daw ve a trul. Ei ke hi a bal a sawp ngai a ni ti hi ei CONFESS a trul a. Bal kai ei nih ti hi pawma, puong a, nitina a ngaidamna mamaw in a laka bat (debts) ei nei ti hi a kuomah ei inpuong (confess) pha pha ama’n mi lo sawp fai a ta ami lo ngaidam ding anih. Chu pha pha chun ei relationship mi tungding (restore) pek a ta, ei hringna mi siemthar pek a ta lungril thar leh ama leh fellowship ei nei thei nawk ding anih. Thlai hi nitin tuia ei chawm chun a hring zing ang hin nitina Pathien ngaidamna ei chang

chun hring zing ei ta, a hmangaina, a lunginsietna, a ngaidamna nitin in ei niah hung tlung thar a ta, sim rawh ti hran pa khom ngai lovin ami hman-gai sim lem ding anih. Hi khawvel hin chu ,amia immhata (independent) a, mania thil ropui tak tak thaw suok (achieve) dingin ami’n chuktira, ei Pathien thu ruok chun ISU thrang lo chun iengkhawm ei thaw thei naw zie le iengkhawm ei ni naw zie ami hril tung. Chu leiin ama le relationship, fellowship thra tak nei ding chun nitina a ei bal hi a mi sawp pek a trula, chu thaw chu Isu’n a nuoma, an pei zing baw anih. Ei ke bal Isu in sawp-tir ei tiu.

QUOTES

“Fellowship is a place of grace, where mistakes aren’t rubbed in but rubbed out. Fellowship happens when mercy wins over justice.”

-Rick Warren

“Aloneness can lead to loneliness. God’s preventative for loneliness is intimacy – meaningful, open, sharing relationships with one another. In Christ we have the capacity for the fulfilling sense of belonging which comes from intimate fellowship with God and with other believers.”

-Neil T. Anderson

“Our love to God is measured by our everyday fellowship with others and the love it displays.”

-Andrew Murray

“To gather with God’s people in united adoration of the Father is as necessary to the Christian life as prayer.”

-Martin Luther

HCFD TROBUL TAWITE'N

~Pu Vanlalthang Inbuon



Ei thu laknain a hril danin 80s laia Delhia hmarhai Jerusalem chu Vikaspuri saw a nih. March 1985 laia family umhai an lo inkhawm tlanga inthoka hung intran tung pei nia hriet a nih. Chuong laia an Jerusalem Vikaspuri le a se vela family-a um puhai-Darsiemlien Ruolgul, Suothang, Mangcha, Lalrozâma, Lalruothang le Lienkhawthang Varte-haiin 'Vikaspuri Family Worship Service (VFWS)' tia hming inbuka an lo inkawm tran kha family hung um tharpei puhai-L.B. Tuolte, L.H. Ruolngul, Vanlalhlir le R.H. Hminglien - haiin an zuk zawm ve pei a. Chuong hun laia makhata mala um HSA memberhai ta dingin Hmar hm- inga inkhawmna hran a la um chuong naw lei chun Krismas le kum thar lawm hunahai VFWS chu an zuk fin ve el hlak a, VFWS chu Hmarhai fekhawmna a nih ti thei a ni chu.

Mizohai le inkhawm tlang zing Delhia Hmarhai chu an hung hmar pei a, HSA member hai bauva inthawk damin a hrana 'Hmar Service' nei a trulzie an hung hriet chun August, 1988 khan 'Hmar Fellowship' nei ding le ding naw ngaituo dingin Ad-hoc Committee an siem a. Hmar Fellowship Ad-hoc Committee-a member hai chu puhai - H. Thangluoia, Lalruothang, Dr. Chawngrolien Chonzik, Pu Darsiemlien Ruolngul, Pu C. Thant Khobung le Pu Laldatlien F. Tusing - an nih.

Ei thu laknain a hrilpei dan chun, an hmathlir chu Kohran bik um loa hmun khat le zâi khata luong a, Fellowship neia inthuruol taka mანი trong ngeia Pathien biek hi a nih. Pathiennia Hmarhai a hranna inkhawm- na nei chu inhmukhâwmna le inhm-

elhriet tuona remchâng thra tak ni bok, inlaintna siemtu, thu le hlaa Pathien leh inpawl na hun thra, inthuruol na bul siemtu ti hai hi an hmathlir a ni sa bok.

Chuongchun, Ad-hoc Committee'n a hrana 'Hmar Service' nei thra an ti tlang chun, chuonglaia Pu L.B. Sinate quarter House No. 390, Sector 9, R.K Puram, New Delhi (Pu C.Thant Khobung-in a hluo)a chun tarik 4th September, 1988 khan 'Hmar Fellowship' tiin a hranin an lo inkhawm tran ta a nih. An inkhawm hmasa tak chun Newspaper hlui truogah an pha a, an hang inkhawm chun an lung kham ram tlunga an ingai tawl leiin inhawi an ti tlang hle a nih.

Tarik 15th March, 1989 khan 'Hmar Fellowship' thruoitua ding elec-

tion hmasa tak chu an nei a. Thruoitua ni kha an inhawk tawl naw leiin threnkhat chu election ding ni chun hmel khom inlang loin, an inkhawm nuom naw nuol a nih. Lungruol takin a hnuoia hai khu thlangtling an nih:

Chairman - Pu H.Thangluoia

Vice-Chairman - Tv. Laldatlien F. Tusing

Secretary - Pu Lalruothang

Finance Secretary - Tv. L.B.Tuolte

Treasurer- Pu Darsiemlien Ruolngul
Committee Membar dingin Pu Suothang le Dr. Chawngrolien Chonzik an ruotsa bok.

Atîr chun kristien hming khom inlang loin 'Hmar Fellowship' ti top

a nih. A hnung a, tarik 29th January, 1992 khan 'Delhi Hmar Christian Fellowship (DHCF)' tiin an thleng a. Tarik 24 February, 2007 khan 'Hmar Christian Fellowship Delhi (HCFD)' tiin an hung thleng nawk a, chu chu voisun chen hin a put ta zing a nih.

Hmathlir thra tak nei a, HCFD bul mi lo tranpektuhai khi inzana insang takin ka salute tawl seng a, ngainatna le ngaih lutna insang tak ka'n hlan tawl. Chuonglai zing chun tu tum an la dam tawl a? ti hai ruok chu ka zuk hriet kim vong nawh. An hmathlira khin ei la ngir zing am? Nang le kei hang inngaituo seng ei tiu.

Damnaw threnkhat tawngtaipui ding

1. Pu Lalsanthang Inbuon
2. Pu Lalnghaklien Khawbung
3. Pu Lalsiemlien Khawbung
4. Pi Sumlam
5. Nk. Joyce
6. Pi Linda
7. Pi Kim Keivawm
8. Tv. Laldawmsang
9. Pi Lalengmawi
10. Pi Ziri Hrangate
11. Pu Samuel Darngawn

Note: A chung a hming ei hung inchuon hai hih Delhi a in enkawl mek le tongtainaa ei lo san hlak hai an ni a, ziek hmai pal khom an lo um el thei baw. Ei mimal tongtainaa hai lo san zui pei dingin ei hung infiel thar nawk a nih.